

四庫全書

集部

欽定四庫全書

集部

御選歷代詩餘卷六十四

詳校官中書<sub>臣</sub>潘有為

侍讀<sub>臣</sub>孫球覆勘

總校官進士<sub>臣</sub>朱鈐

校對官學政<sub>臣</sub>翁樹棠

謄錄監生<sub>臣</sub>閻學朱

欽定四庫全書

御選歷代詩餘卷六十四目錄

起九十七字  
至九十八字

雪月交光

劉一止

長亭怨慢

姜夔

周密

王沂孫

前調 又一體

張炎 二首

倦尋芳 又一體

潘元質

盧祖皋

吳文英 三首

湯恢

文徵明

被花惱

楊纘

秋蕊香

又一體

趙以夫

鳳凰臺上憶吹簫

又一體

侯寘

二首

張炎

彭履道

慶清朝慢

王觀

李清照

前調

又一體

史達祖

王沂孫

張炎

雨中花慢

黃庭堅

前調

又一體

辛棄疾

張孝祥

蘇洵

前調

又一體

葛立方

二首

王簞涼

史達祖

綠蓋舞風輕

周密

月邊嬌

周密

玉京謠

吳文英

留客住



柳永

燕春臺

張先

夏初臨

劉涇

前調

又一體

王沂孫

西子妝慢

又一體

吳文英

張炎

夢芙蓉

吳文英

瀟瀟雨

張炎

卓牌兒

又一體

万俟雅言

夜合花

晁補之

黃鸝遠碧樹

周邦彥

月下笛

詹正

應天長

又一體

周邦彥

康與之

方千里

吳文英

陳允平

張矩

十首

揚州慢

姜夔

趙以夫

鄭覺齋

李萊老

吳元可

雨中花慢

又一體

蘇軾

前調

又一體

秦觀

前調

又一體

高觀國

御選歷代詩餘卷六十四目錄

欽定四庫全書

御選歷代詩餘卷六十四

起九十七字  
至九十八字

司經局洗馬掌局事兼翰林院修撰加二級臣王奕清奉

旨校刊

雪月交光

雙調九

廿七字

雪月交光

劉一止

正五雲飛仗縞練纖裳亂空交舞拂石歸來向玉堦微

步欲喚冰娥暫憑風使爲埽氛驅霧漸見停輪人間未  
識高空真侶 千里無塵地連天迴倦客西來路迷江  
樹故國煙深想溪橋何處雲鬢分行翠睂縈曲對夜寒  
尊俎清影徘徊端應座有風流能賦

長亭怨慢

或無慢字雙  
調九十七字

長亭怨慢

姜夔

漸吹盡枝頭香絮是處人家綠深門戶遠浦縈迴暮帆



零亂向何處閱人多矣誰得似長亭樹樹若有情時不  
會得青青如許日暮望高城不見只見亂山無數韋  
郎去也怎忘得玉環分付第一是早早歸來怕紅萼無  
人爲主算只有并刀難翦離愁千縷

前調

周密

記千竹萬荷深處綠淨池臺翠涼亭宇醉墨題香間簫  
橫玉盡吟趣勝流星聚知幾誦燕臺句零落碧雲空歎  
轉眼歲華如許凝竚望瀟瀟一水夢到隔花窓戶十

年舊事儘消得庾郎愁賦燕樓鶴表半漂零真惟有盟  
鷗堪語漫倚徧河橋一片涼雲吹雨

前調

重過中  
菴故園

王沂孫

泛孤艇東皋過徧尚記當日綠陰門掩屐齒莓階酒痕  
羅袖事何限欲尋前迹空惆悵成秋苑自約賞花人別  
後總風流雲散水遠怎知流水外却是亂山尤遠天  
涯夢短想忘了綺疏雕檻望不盡冉冉斜陽撫喬木年  
華將晚但數點紅英猶識西園悽惋

前調

又一體舊  
居有感

張炎

望花外小橋流水門巷愔愔玉簫聲絕鶴去臺空珮環  
何處美明月十年前事愁千折心情頓別露粉風香誰  
爲主都成消歇 淒咽小窓分袂處同把帶鴛親結江  
空歲晚便忘了尊前曾說恨西風不庇寒蟬便埽盡一  
林殘葉謝楊柳多情還有綠陰時節

前調

懷吳  
菊泉

張炎

記橫笛玉關高處萬里沙寒雪深無路破却貂裘遠遊

歸後與誰譜故人何許渾忘了江南舊雨不擬重逢應  
笑我飄零如羽同去釣珊瑚海樹底事又成行旅煙  
蓬斷浦更幾點戀人飛絮如今又京洛尋春定應被薇  
花留住且莫把孤愁說與當時歌舞

倦尋芳

又一體雙調  
九十七字

倦尋芳

潘元質

獸環半掩鴛鴦無塵庭院瀟灑樹色沈沈春盡燕嬌鶯

姹夢草池塘青漸滿海棠軒檻紅相亞聽簫聲記秦樓  
夜約彩鸞齊跨漸迤邐更催銀箭何處貪歡猶繫駢  
馬旋翦燈花兩點翠睂誰畫香滅羞回空帳裏月高猶  
在重簾下恨疎狂待歸來碎按花打

前調

盧祖皋

香泥壘燕密葉巢鶯春晴寒淺花徑風柔著地舞裯紅  
軟鬪草煙欺羅袂薄秋千影落春游倦醉歸來記寶帳  
歌慵錦屏香煖別來悵光陰容易還又荼蘼牡丹開

偏妒恨疎狂那更柳花迎面鴻羽難憑芳信短長安猶  
近歸期遠倚危樓但鎮日繡簾高捲

前調

吳妓李  
憐憐

吳文英

墜鉗恨井塵鏡迷樓空閒孤燕寄別崔微清瘦畫圖春  
面不約舟移楊柳繫有緣人映桃花見敘分攜悔香癡  
漫熱綠鬟輕翦聽細語琵琶幽怨客鬢蒼華衫袖濕  
徧漸老芙蓉猶自帶霜堪看一縷情深朱戶掩兩痕愁  
起青山遠被西風又驚吹夢雲分散

前調

上元

吳文英

海霞倒影空霧飛香天市催晚暮  
壓宮梅相對畫樓簾  
捲羅襪輕塵花笑語寶釵爭豔  
春心眼亂簫聲正風柔  
柳弱舞肩交燕  
念窈窕東鄰深巷燈外歌沈月上花  
淺夢雨離雲點點漏壺清怨珠絡  
香銷空念住紗窓人  
老羞相見漸銅壺閉春陰曉寒人倦

前調

錢周  
定夫

吳文英

暮帆挂雨冰岼飛梅春思零亂送客將歸偏是故宮離

苑醉酒曾同涼月舞尋芳還隔紅塵面去難留悵芙蓉  
路窄綠楊天遠便繫馬鶯邊清曉煙草晴花沙潤香  
軟爛錦年華誰念故人游倦寒食相思堤上路行雲應  
在孤山畔寄新吟莫空回五湖春鴈

前調

湯恢

飴簫吹暖蠟燭分煙春思無限風到楝花二十四番吹  
徧煙濕濃堆楊柳色晝長閒墜梨花片悄簾櫳聽幽禽  
對語分明如翦記舊日西湖行樂載酒尋春十里塵



軟背後腰肢  
髣髴畫圖曾見宿粉殘香隨夢冷落花流水和天遠但如今病懨懨海棠池館

前調

文徵明

暄風泛午遲日酣春萬錦新濯傳樂亭東記得向來曾約正是春明堪醉也等閒愁病剛蹉却漫多情憶闌干舊倚此時蕭索空自有憐春思致賦玉才情無處堪著怎及東君時自對花吟酌檀板風流空在念錦堂佳麗還留諾待遲遲却又怕雨狂風惡

被花惱

雙調九

十七字

被花惱

楊 纘

疎疎宿雨釀寒輕  
簾幙靜垂清曉  
寶鴨微溫  
瑞煙少簷  
聲不動  
春禽對語  
夢怯頻驚  
覺敲珀枕  
倚銀牀半窗  
花影明東照  
惆悵夜來風  
生怕嬌香混  
瑤草披衣便起  
小徑迴廊處處多  
行到正千紅萬紫  
競芳妍又還似年  
時被花惱  
驀忽地省得而今  
雙鬢老

秋蕊香

又一體雙調

九十七字

秋蕊香

木犀

趙以夫

一夜金風吹成萬粟枝頭點點明黃扶疎月殿影雅澹  
道家裝阿誰倩天女散濃香十分重透霓裳徘徊處玉  
繩低轉人靜天涼底事小山幽詠渾未識清妍空自  
情傷憶佳人執手難離相招蟾魄和酒吸清光碧雲日  
暮何妨惆悵久瑤琴微弄一曲清商

鳳凰臺上憶吹簫

又一體雙調  
九十七字

鳳凰臺上憶吹簫

詠梅

侯寘

浴雪精神倚風情態百端邀勒春還記舊隱溪橋日暮  
驛路泥乾曾伴先生蕙帳香細細粉瘦瓊閒傷牢落一  
夜夢回腸斷家山空教映溪帶月供遊客無情折滿  
雕鞍便忘了明窓淨几筆硯同歡莫向高樓噴笛花似  
我蓬鬢霜斑都休說今夜倍覺清寒

前調

蠟梅用  
前韻

侯寘

淺染霓裳輕勻漢額巫山行雨方還最好是肌香蠟瑩  
萼嫩紅乾曾見金鐘在列鈞天罷筍簾都閒妖嬈似曉  
鏡乍開綠沁睂山休誇瘦枝疎影湘裙窄一鈎龍麝  
隨鞍便更做山人倦賞畏冷無歡爭奈冰甌彩筆題詩  
處珠琲爛斑清宵永相對莫放杯寒

前調

趙主簿號孤  
蓬囑予賦之

張炎

水國浮家漁邨古隱浪游慣占花深猶記得琵琶半面

欽定四庫全書

御選歷代詩餘

卷六十四

八

曾濕衫青不道江空歲晚桃葉渡還歎飄零因乘興醉  
夢醒時却是山陰投閒倦呼儔侶竟棹入蘆花俗客  
難尋風渺渺雲拖暮雪獨釣寒清遠溯流光萬里渾錯  
認片竹褰瀛元來是天上太乙真人

前調

秦淮  
夜月

彭履道

勸客新樓鳴箏上酒夜涼人愛秋深何似過賞心佳處  
依約湖陰東望寒光縹緲煙水闊短笛消沈闌干近勝  
時種柳青到如今凌波又成誤約自環珮飛去暗想

遺音重記省江城倦客醉擁秋衾誰家一掬紅淚孤鴈  
遠濕透羅襟石城曉數聲又遞寒砧

慶清朝慢

雙調九

十七字

慶清朝慢

王觀

調雨爲酥催冰做水東君分付春還何人便將輕暖點  
破殘寒結伴蹋青去好平頭鞦韆子小雙鸞煙郊外望中  
秀色如有無間晴則箇陰則箇餽飮得天氣有許多

般須教撩花撥柳爭要先看不道吳綾繡韞香泥斜沁  
幾行斑東風巧盡收翠綠吹上睂山

前調

宋媛

李清照

禁幄低張雕闌巧護就中獨占殘春容華澹泞綽約俱  
見天真待得羣花過後一番風露曉妝新妖嬈態妒風  
笑月長殢東君 東城邊南陌上正日烘池館競走香  
輪綺筵散目誰人可繼芳塵更好明光宮裏幾枝先向  
日邊勻金尊倒撩了畫燭不管黃昏



前調

又一體

史達祖

墜絮擎萍狂鞭孕竹偷移紅紫池亭餘花未落似供殘  
蝶經營賦得送春詩了夏帷攔斷綠陰成桑麻外乳鳩  
穉燕別樣芳情荀令舊香易冷歎俊遊疎嬾枉自銷  
凝塵侵謝屐幽徑斑駁苔生便覺寸心尚老故人前度  
漫丁寧空相誤被蘭曲水挑菜東城

前調

王沂孫

玉局歌殘金陵句絕年年負却薰風西鄰窈窕獨憐入

卷之十四  
戶飛紅前度綠陰載酒枝頭色比似裙同何須擬蠟珠  
作蒂綃綵成叢誰在舊家殿閣自玉真仙去埽地春  
空朱旛護取如今應悞花工顛倒絳英滿逕想無車馬  
到山中西風後尚餘數點還勝春濃

前調

張炎

淺草猶霜融泥未燕晴梢潤葉初乾閒扶短策鄰家小  
聚清歡錯認籬根是雪梅花過了一番寒風還峭較遲  
芳信恰似春殘此境此時此意待攜琴獨去不冷慵

彈飄飄爽氣飛鳥相與俱還醉裏不知何處好詩盡在  
夕陽山山深杳更無人到流水花間

雨中花慢

雙調九

十七字

雨中花慢

黃庭堅

正樂中和夷夏燕喜官梅乍傳消息待新年歡計斷送  
春色桃李成陰甘棠少訟又移旌戟念畫樓朱閣風流  
高會頓冷談席西川縱有舞裙歌板誰共茗邀棊敵

歸來未先霑離袖  
管絃催滴樂事賞心易散  
良辰美景  
難得會須醉倒玉山扶起更傾春碧

前調

又一體

辛棄疾

馬上三年醉帽吟  
鞍錦囊詩卷長留悵  
溪山舊管風月  
新收明便關河杳杳去應  
日月悠悠笑千篇索價未抵  
蒲萄五斗涼州  
停雲老子有酒盈尊  
琴書端可消憂  
渾未解傾身一飽  
淅米矛頭心似傷弓塞鴈身如喘月  
吳牛曉天涼夜月明誰伴吹笛南樓

前調

長沙

張孝祥

一葉凌波十里御風煙  
鬢雨鬢蕭蕭認江皋玉珮水館  
冰綃秋淨明霞乍吐曙涼宿靄初消  
恨微顰不語欲進  
還休凝竚迢遙  
神交冉冉愁思盈盈斷魂欲遣誰招  
還似待青鸞傳信烏鵲成橋  
悵望胎仙琴疊羞看翡翠  
蘭苔夢回人遠紅雲一片天際笙簫

前調

懷劉改之

蘇洞

十載尊前放歌起舞人間酒戶  
詩流盡期君凌厲羽翮

高秋世事幾如人意儒冠還負身謀歎天生李廣才氣  
無雙不得封侯 榆關萬里一去飄然片雲甚處神州  
應悵望家人父子重見無由隴水寂寥傳恨淮山宛轉  
供愁這回休也燕鴻南北長隔英游

前調

又一體

葛立方

壯歲嬉遊樂事幾經青門紫陌芳春未見廉纖膏雨浥  
花塵濯錦寶絲增豔洗妝玉頰尤新向韶光濃處點染  
芳菲總是東君 蘇州老子經過南園爲誰一掃花林

誰信道佳聲著處肌潤香勻曉洗何郎湯餅暮留巫女  
行雲寄言遊子也須留盼小駐蹄輪

前調

葛立方

寄徑睢陽陌上忽看天桃穠李爭春又見楚宮行雨洗  
芳塵紅豔霞光夕照素華瓊樹朝新爲奇姿芳潤擬倩  
游絲留住東君拾遺杜老猶愛南塘寄情蘿薜山林  
爭似此花如姝麗獼髓輕勻不數江陵玉杖休誇花島  
紅雲少須澄霽一番清影更待冰輪

玉簫涼

雙調九

十七字

玉簫涼

史達祖

秋是愁鄉自錦瑟斷絃有淚如江平生花裏活奈舊夢  
難忘藍橋雲樹正綠料抱月幾夜眠香河漢阻但鳳音  
傳恨欄影敲涼新妝蓮嬌試曉梅瘦破春因甚却扇  
臨窓紅巾銜翠翼早弱水茫茫柔指各自未翦問此去  
莫負王昌芳信準更教尋紅杏西廂



綠蓋舞風輕

雙調九

十七字

綠蓋舞風輕

白蓮

周密

玉立照新妝翠蓋亭亭凌波步秋漪真色生香明璫搖  
澹月舞袖斜倚耿耿芳心奈千縷晴絲縈繫恨開遲不  
嫁東風顰怨嬌蕊花底漫卜幽期素手採珠房粉豔  
初洗雨濕鉛顙碧雲深暗聚軟綃清淚訪藕尋蓮楚江  
遠相思誰寄棹歌回衣露滿身花氣

月邊嬌

雙調九

十七字

月邊嬌

元夕

周密

酥雨烘晴早柳盼嬌顰蘭芽愁醒九街月澹千山夜暖  
十里寶光花影塵凝步韞送豔笑爭誇輕俊笙簫逼曉  
翠幙卷天香宮粉少年韋曲疎狂絮花蹤跡夜蛾心  
性戲叢圍錦燈簾轉玉撿却舞勾歌引前懽漫省又輦  
路東風吹鬢醺醺倚醉任夜深春冷

玉京謠

雙調九

十七字

玉京謠

吳文英

蝶夢迷清曉。萬里無家。歲晚貂裘敝。載取琴書長安間。  
看桃李爛錦。繡人海花場。任客燕飄零。誰計春風裏香。  
泥九陌文梁。孤壘微吟。怕有詩聲翳鏡慵。看但小樓  
獨倚金屋。千嬌從他。駕暖秋被。蕙帳移煙雨。孤山待對  
影落梅清泚。終不似江上翠微流水。

留客住

雙調九

十七字

留客住

柳永

偶登眺凭小樓豔陽時節乍晴天氣是處閒花野草遙  
山萬疊雲散漲海千里潮平波浩渺煙村院落是誰家  
綠樹數聲啼鳥 旅情悄遠信沉沉離魂杳杳對景傷  
懷度日無言誰表惆悵舊歡何處後約難憑看看春又  
老盈盈淚眼望僊鄉隱隱斷霞殘照

燕春臺

雙調九

十七字

燕春臺

東都春日李  
閣使席上

張先

麗日千門紫煙雙闕瓊林又報春回殿角風微當時去  
燕還來五侯池館屏開探芳菲走馬天街重簾人語  
轎車憶遠近輕雷 雕觴霞灩翠幕雲飛楚腰舞柳宮  
面妝梅金猊夜暖羅衣暗裊香煤洞府人歸笙歌燈火  
樓臺下蓬萊猶有花上月清影徘徊

夏初臨

雙調九

十七字

夏初臨

劉涇

泛水新荷舞風輕  
燕園林夏日初長  
庭樹陰濃雛鶯學  
弄新簧小橋飛入  
橫塘跨青蘋綠藻  
幽香朱闌斜倚霜  
紉未搖衣袂先涼  
歌歡稀遇怨別多  
同路遙水遠煙澹  
梅黃輕衫短帽相  
攜洞府流觴況有  
紅妝醉歸來寶蠟  
成行拂牙牀紗幮  
半開月在迴廊

前調

又一體

王沂孫

疎簾蝶粉幽徑燕泥花間小雨初足又是楚城寒食輕  
舟泛晴淥尋芳地來去熟尚髣髴大堤南北望楊柳一  
片陰陰搖曳新綠重訪豔歌人聽取春聲猶是杜郎  
曲蕩漾去年春色深深杏花屋東風曾共宿記小刻近  
窓新竹舊遊遠沈醉歸來滿院銀燭

西子妝慢

又一體雙調  
九十七字

西子妝慢

吳文英

流水麴塵豔陽酤酒畫舸游情如霧笑拈芳草不知名  
乍凌波斷橋西堍垂楊漫舞總不解將春繫住燕歸來  
問綠繩纖手如今何許歡盟誤一箭流光又趁寒食  
去不堪衰鬢著飛花傍綠陰冷煙深樹玄都秀句記前  
度劉郎曾賦最傷心一片孤山煙雨

前調

張炎

白浪搖天青陰漲地一片野懷幽意楊花點點是春心



替風前萬花吹淚遙岑寸碧有誰識朝來青氣自沈吟  
甚流光輕擲繁華如此斜陽外隱約孤邨隔塢間門  
閉漁舟何似莫歸來想桃源路通人世危橋靜倚千年  
事都消一醉漫依依愁落鷗聲萬里

夢芙蓉

雙調九

十七字

夢芙蓉

趙昌芙蓉圖

吳文英

西風搖步綺記長堤驟過紫騮十里斷橋南岼人去晚

霞外錦溫花共醉當時曾共秋被自別霓裳應紅消翠  
冷霜枕正慵起 慘淡西湖柳底搖落秋魂夜月歸環  
珮畫圖重展驚認舊梳洗去來雙翡翠難傳臉恨眉意  
夢斷瓊娘但雲深路杳城影蘸流水

瀟瀟雨

雙調九

十七字

瀟瀟雨

泛江  
懷友

張炎

空山彈古瑟掬長流洗耳復誰聽倚闌干不語江潭樹

老風挾波鳴愁裏不須啼鳩花落石牀平歲月鷗前夢  
耿耿離情 記得相逢竹外看詞源倒瀉一雪塵纓笑  
匆匆呼酒飛雨夜舟行又天涯零落如此掩閒門得似  
晉人清相思恨趁楊花去錯到長亭

卓牌兒

又一體雙調九十七  
字兒或作子或作慢

卓牌兒

万俟雅言

東風綠楊天如畫出清明院宇玉豔澹泊梨花帶月慙

脂零落海棠輕雨單衣怯黃昏人正在珠簾笑語相並  
戲蹴秋千共攜手同倚闌干暗香時度 翠窓繡戶路  
繚繞全通幽處斷魂凝竚嗟不似飛絮閒悶閒愁難消  
遣此日年年意緒無據奈酒醒春去

夜合花

雙調九

十七字

夜合花

牡丹

晁補之

百紫千紅占春多少共推絕世花王西都萬家俱好不

爲姚黃慢腸斷巫陽對沉香亭北新妝記清平調詞成  
進了一夢仙鄉天葩秀出無雙倚朝暉半如酣酒成  
狂無言自有檀心一點偷芳念往事情傷又新豔曾說  
潞陽縱歸來晚君王殿後別是風光

黃鸝遶碧樹

雙調九

十七字

黃鸝遶碧樹

周邦彥

雙闕籠佳氣寒威日晚歲華將暮小院閒庭對寒梅照

雪澹煙凝素忍當迅景動無限傷春情緒猶賴是上苑  
風光漸好芳容將照 草莢蘭芽漸吐且尋芳更休思  
慮這浮世甚驅馳利祿奔競塵土縱有魏珠照乘未買  
得流年住爭如剩引榴花醉偎瓊樹

月下笛

雙調九

十七字

月下笛

詹正

江上行入竹間茅屋下臨深窈春風嫋嫋翠鬟窺樹猶

小遙吟近倚歸還顧分付橫枝未了扁舟却去中流回  
首驚散飛鳥重蹋新亭屐齒看山抱孤城月來華表  
雞聲人語隔江相伴歌笑壯遊歷歷同高李未擬詩成  
草草長橋外有醒人吹笛併在霜曉

應天長

又一體雙調  
九十八字

應天長

寒食

周邦彥

條風布暖霏霧弄晴池臺徧滿春色正是夜堂無月沈

沈暗寒食梁間燕社前客似笑我閉門愁寂亂花過隔  
院芸香滿地狼藉長記那回時邂逅相逢郊外駐油  
壁又見漢宮傳燭飛煙五侯宅青青草迷路陌強載酒  
細尋前迹市橋遠柳下人家猶自相識

前調

康與之

管絃繡陌燈火畫橋塵香舊時歸路腸斷蕭娘舊日風  
簾映朱戶鶯能舞花解語念後約頓成輕負緩雕轡獨  
自歸來凭欄情緒楚岫在何處香夢悠悠花月更誰



主惆悵後期空有鱗鴻寄紉素枕前淚窓外雨翠幙冷  
夜涼虛度未應信此度相思寸腸千縷

前調

次周美  
成韻

方千里

嫩黃上柳新綠漲池東風豔冶天色又見乍晴還雨年  
華傍寒食春依舊身是客對麗景易傷岑寂悵凝望一  
帶平蕪翦就茵藉 前度少年場醉記旗亭聯句徧窓  
壁調笑映牆紅粉參差水邊宅蘆鞭嬾過故陌恨未老  
漸成陳迹漫無語立盡斜陽懷抱誰識

前調

吳門  
元夕

吳文英

麗花鬪靨清麝濺塵春聲偏漏芳陌竟路障空雲幕冰  
壺浸霞色芙蓉詞賦仙客競繡筆醉嫌天窄素娥下小  
駐輕鑣眼亂紅碧 前事頓非昔故苑年光渾與世相  
隔向暮巷空人絕殘燈耿塵壁凌波恨簾戶寂聽怨寫  
墮梅哀笛佇立久雨暗河橋蕉漏疎滴

前調

次周美  
成韻

陳允平

流鶯喚夢芳草帶愁東風料峭寒色又見杏漿錫粥家

家禁煙食江湖幾年倦客曾慣識淒涼岑寂苦吟瘦蕭  
索詩腸空媿郊籍春事正溪山柳霧花塵深映翠蘿  
壁更謝多情雙燕歸來舊庭宅晴絲亂游巷陌悵容易  
萬紅陳迹酒旂在綠水橋邊猶記曾識

前調

蘇堤  
春曉

張矩

曙林帶暝晴靄弄霏鶯花未認遊客草色舊迎雕輦蒙  
茸暗香陌秋千架間曉索正露濕繡鴛痕窄費人省隔  
夜濃歡醒處先覺重過湧金樓畫舫紅旌催向斷橋

泊又怕晚天無準東風妒芳約垂楊岼今勝昨水院近  
占春光酌恁時候不道歸來香斷燈落

前調

平湖  
秋月

張矩

候蛩探暝書鴈寄寒西風暗翦綃織報道鳳城催鑰笙  
歌散無迹冰輪駕天緯逼漸款引素娥遊歷夜妝靚獨  
展菱花淡絢秋色 人在湧金樓漏迴繩低光重袖香  
滴笑語又驚棲鵲南飛傍林闌孤山影波共碧向此際  
隱逋如識夢仙遊倚徧霓裳何處聞笛

前調

斷橋  
殘雪

張矩

鰲澌亘曉篙水漲漪孤山漸捲雲簇又見岼容舒臘菱  
花照新沐橫斜樹香未北倩點綴數梢疎玉斷腸處日  
影輕消休怨霜竹簾上湧金樓酒盞酥融金縷試春  
曲最好半殘鳩鵲登臨快心目瑤臺夢春未足更看取  
灑窓填屋灞橋外柳下吟鞭歸趁游燭

前調

雷峯  
夕照

張矩

磬圓樹杪舟亂柳津斜陽又滿東角可是暮情堪翦平

分付煙郭西風影吹易落認滿眼脆紅先爍算惟有塔  
起半輪千載如昨誰信湧金樓此際凭闌人共楚天  
約準擬換尊陪月層空捲塵幙飛鴻倦低未泊閒倒指  
數來還錯笑聲裏立盡黃昏剛道愁惡

前調

麴院  
風荷

張矩

換橋渡舫添柳護堤坡仙舊欠今續四面水窓如染香  
波釀春麴田田處成暗綠正萬羽背風斜矗亂鷗去不  
信雙鴛午睡猶熟還記湧金樓共撫雕闌低度浣紗

曲自與故人輕別榮枯換涼燠亭亭影驚豔目忍到手  
又成輕觸悄無語獨撚花鬚心事曾卜

前調

花港  
觀魚

張矩

岸容浣錦波影墮紅纖鱗巧避鳬唼禹浪未成頭角吞  
舟膽猶怯湖山外江海匝怕自有暗泉流接楚天遠尺  
素無期枉語停楫迴望湧金樓帶草蠻煙縹緲際城  
堞漸見暮榔敲月輕舸亂如葉濠梁興歸來愜記舊伴  
袖攜留招指魚水總是心期休怨三疊

前調

南屏  
晚鐘

張矩

翠屏對晚烏榜占堤鐘聲又斂春色幾度半空敲月山  
南應山北歡娛地空浪迹漫記省五更聞得洞天曉夾  
柳橋疎穩縱香勒前度湧金樓嘯傲東風鷗鷺半相  
識暗數院僧歸盡長虹臥深碧花間恨猶記憶正素手  
暗裁輕拆夜深後不道人來燈細窓隙

前調

柳浪  
聞鶯

張矩

翠迷倦舞紅駐殘妝流鶯怕與春別過了禁煙寒食東



風顫環鐵遊人恨柔帶結更喚醒羽喉宮舌畫船遠不  
認繇蠻晚棹空歇爭似湧金樓燕燕歸來鉤轉暮簾  
揭對語畫梁消息香泥砌花屑昆明事休更說費夢繞  
建章宮闕曉啼處穩繫金狔雙銙籠月

前調

三潭  
印月

張矩

桂輪逼彩菱沼漾金潛蚪暗動蛟室水路乍疑霜雪明  
眸洗春色年時事還記憶對萬頃葑根龜坼舊遊處不  
認三潭此際曾識今渡湧金樓素練縈窓頻照庾公

席自與影娥人約移舟弄空碧宵風悄籤漏滴早未許  
睡魔相覓有時恨月被雲妨天也揀得

前調

兩峯  
插雲

張矩

暮屏翠冷秋樹赭疎雙峰對起南北好與霽天相接浮  
圖現西極峒堯處雲共碧漫費盡少年遊屐故鄉遠一  
望空遙水斷煙隔閒凭湧金樓激濫波心如洗夢淹  
筆喚起睡龍蒼角盤空壯商色西湖路成倦客待倩寫  
素縑千尺便歸去酒底花邊猶自看得

揚州慢

雙調九十八字 姜夔  
遊揚州自製此調

揚州慢

至日過揚州

姜夔

淮左名都竹西佳處解鞍少駐初程過春風十里盡薺  
麥青青自吳馬窺江去後廢池喬木猶厭言兵漸黃昏  
清角吹寒都在空城 杜郎俊賞算如今重到須驚縱  
豈翫詞工青樓夢好難賦深情二十四橋仍在波心蕩  
冷月無聲念橋邊紅藥年年知爲誰生

前調 瓊花

趙以夫

十里春風二分明月蕊仙飛下瓊樓看冰花翦水擁砌  
玉成球想長日雲階竚立太真肌骨飛燕風流斂羣芳  
清麗精神初付揚州 雨窓數朶夢驚回天外香浮似  
閨苑花神憐人冷落騎鶴來遊爲問江淮風景長空澹  
煙水悠悠又黃昏羌笛孤城吹起新愁

前調

瓊花次趙  
虛齋韻

鄭覺齋

弄玉輕盈飛瓊淡泞韞塵步下迷樓試新妝纔了炷沈

水香球記曉翦春冰馳送金屏露濕綈綺新流甚天中  
月色被風吹夢南州尊前相見似羞人蹤跡萍浮間  
弄雪飄枝無雙亭上何日重遊我欲腰纏騎鶴煙霄遠  
舊事悠悠但凭闌無語煙花三月春愁

前調

瓊花

李萊老

玉倚風輕粉凝冰薄土花池冷無人聽吹簫月底傳暮  
革金城笑紅紫紛紛成雨遡空如蝶肯墮珠塵歎而今  
杜郎還見應賦悲春 珮環何許縱無情鶯燕猶驚悵

朱檻香銷綠屏夢香腸斷瑤瓊九曲迷樓依舊沉沉夜  
想覓行雲但荒煙幽翠東風吹作秋聲

前調

初秋

吳元可

露葉猶青巖花初動幽幽未似秋陰似梅風帶溽暑吹  
度長林記當日西廊共月小屏輕扇人語涼深對清觴  
醉笑醒顰何似如今臨風欲賦甚年來漸減狂心爲  
誰倚多才難憑易感早付銷沉解事張郎風致鱸魚好  
歸聽吳音又夜闌聞笛故人忽到幽襟

雨中花慢

又一體雙調  
九十八字

雨中花慢

密州九  
月牡丹

蘇軾

今歲花時深院盡日東風蕩漾茶煙但有綠苔芳草柳絮榆錢聞道城西長廊古寺甲第名園有國豔帶酒天香淅袂爲我留連  
清明過了殘紅無處對此淚灑尊前秋向晚一枝何事向我依然高會聊追短景清商不暇餘妍不如留取十分春態付與明年

前調

又一體

秦觀

指點虛無征路醉乘斑蚪遠訪西極見天風吹落滿空  
寒白玉女明星迎笑何苦自淹塵域正火輪飛上霧捲  
煙開洞觀金碧重重觀閣橫枕鼇峰水面倒銜蒼石  
隨處有奇香幽火杳然難測好是蟠桃熟後阿環偷報  
消息在青天碧海一枝難遇占取春色

前調


又一體

高觀國

旖拂西風客應漢星行參玉節征鞍緩帶輕裘爭看盛



世衣冠吟倦西湖風月去看北塞關山過離宮禾黍故  
壘煙塵有淚應彈文章俊偉穎露囊鋒名動萬里呼  
韓知素有平戎手段小試何難情寄吳梅香冷夢隨隴  
鴈霜寒立勛未晚歸來依舊酒社詩壇



御選歷代詩餘卷六十四

欽定四庫全書

集部  
御選歷代詩餘卷六十五

詳校官中書臣潘有為

侍讀臣孫球覆勘

總校官進士臣朱鈴

校對官學政臣翁樹棠

謄錄監生臣閻學朱

欽定四庫全書

御選歷代詩餘卷六十五目錄

起九卅八字  
至九十九字

瑣窓寒

楊无咎

前調

又一體

程先

前調

又一體

吳文英

孤鸞

朱敦儒

馬莊父

張桀

林章

前調

又一體

趙以夫

前調

又一體

張桀

雙頭蓮

又一體

陸游

雲仙引

馮父子

玉蝴蝶

又一體

李之儀

芟荷香

又一體

万俟雅言

前調

又一體

趙彥端

雙雙燕

又一體

史達祖

張琨

塞垣春

又一體

吳文英

珍珠簾

吳文英

繡停鍼

陸游

醉蓬萊

又一體

楊慎

絳都春

陳允平



玲瓏玉

姚雲文

春草碧

又一體

万俟雅言

尾犯

又一體

柳永

月下笛

周邦彥

並蒂芙蓉

晁端禮

逍遙樂

又一體

黃庭堅

黃河清慢

晁端禮

三部樂

蘇軾

前調

又一體

周邦彥

萬年歡

王安禮

八節長歡

毛滂

二首

二郎神

呂渭老

碧芙蓉

葉小鸞

玉蝴蝶

又一體

柳永

五首

王安中

晁補之

晁冲之

葛郯

李綱

辛棄疾

二首

陸游

高觀國

史達祖

尹濟翁

張翥

楊慎

馮鼎位

陳子龍

葉紉紈

二首

葉小鸞

前調

又一體

張炎

三姝媚

史達祖

吳文英

二首

王沂孫

二首

張炎

二首

薛夢桂

詹正

御選歷代詩餘卷六十五目錄

欽定四庫全書

御選歷代詩餘卷六十五

起九十八字  
至九十九字

司經局洗馬掌局事兼翰林院修撰加二級臣王奕清奉

官校刊

瑣窓寒

雙調九

十八字

瑣窓寒

楊无咎

柳暗藏鴉花深見蝶物華如繡情多思遠又是一番清



瘦憶前回庭榭未春箇人預約同攜手恨遲留載酒期  
程孤負踏青時候搔首雙眉暗鬪况無似今年一春  
晴晝風偏雨倦直得迤逗想閒窓鍼線倦拈寂寞細撚  
醪醕喫待還家定是冤人淚粉盈襟袖

前調

又一體

程先

雨洗紅塵雲迷翠麓小車難去淒涼感慨未有今年春  
暮想曲江水邊麗人影沈香歇誰爲主但免葵燕麥風  
前搖蕩徑花成土空被多情苦嘉會難逢少年幾許

紛紛沸鼎負了青陽百五待何時重睹太平典衣貰酒  
相爾汝算蘭亭有此歡娛又却悲今古

前調

又一體  
玉蘭

吳文英

紺縷堆雲清顯潤玉記人初見蠻腥未洗梅谷一懷悽  
惋渺征槎去乘閨風占香上國幽心展遺芳拚色真姿  
凝澹返魂騷畹一盼千金換又笑伴鴟夷共歸吳苑  
離煙恨水夢香南天秋晚比來時瘦肌更消冷熏沁骨  
悲鄉遠最傷情送客咸陽佩結西風怨

孤鸞

鸞或作鸞雙

調九十八字

孤鸞

早梅

朱敦儒

天然標格是小萼堆紅芳姿凝白淡泞新妝淺點壽陽  
宮額東君想留厚意借年年與傳消息昨日前邨雪裏  
有一枝先坼念故人何處水雲隔縱驛使相逢難寄  
春色試問丹青手是怎生描得曉來一番雨過更那堪  
數聲羌笛歸去和羹未晚勸行人休摘

前調

馬莊父

沙堤香軟正宿雨初收落梅飄滿可奈東風暗逐馬蹄  
輕捲湖波又還漲綠粉牆陰日融煙暖薦地刺桐枝上  
有一聲春喚任酒帘飛動畫樓晚便指數燒燈時節  
非遠陌上叫聲好是賣花行院玉梅對妝雪柳鬧蛾兒  
象生嬌顫歸去爭先戴取倚寶釵雙燕

前調

次趙虛齋  
梅詞韻

張榘

塞鴻來早正碧瓦霜輕玉鱗寒少昨夜南枝一點陽和

先到黃昏半窓澹月照青青謝池春草此際虛齋心事  
與此花俱好 算巡簷索共梅花笑是千古風流少陵  
曾道爭似油幢下對一枝春小江城慣聽畫角且休教  
玉關人老好試和羹手段向鳳池春曉

前調

林章

爲誰拋撇似海燕初分林鶯乍別回首天涯滿目雲山  
愁絕東風不憐春色把一枝楊花吹折直恁黏煙帶雨  
更盈盈似雪 奈夢兒相隔恨難說想昨夜孤衾今日

雙頰比這青衫上有幾重啼血一聲晚鐘動了又送人  
斷腸時節莫把琵琶亂撥正春江潮咽

前調

又一體  
梅

趙以夫

江頭春早問江上寒梅占春多少自照疎星冷祗許春  
風到幽香不知甚處但迢迢滿河煙草回首誰家竹外  
有一枝斜好記當年曾共花前笑念玉雪襟期有誰  
知道喚起羅浮夢正參橫月小淒涼更吹塞管漫相思  
鬢毛驚老待覓西湖半曲待霜天清曉

前調

又一體 以梅  
花壽趙嬾窩

張 桀

荆溪清曉問昨夜南枝幾分春到一點幽芳不待隴頭  
音耗亭亭水邊月下勝人間等閒花草此際風流誰似  
有嬾窩詩老 且向虛簷淡然索笑任雪壓霜欺精神  
越好最喜庭除下映紫蘭嬌小孤山好尋舊約況和羹  
用功宜早移傍玉堦深處趁天香繚繞

雙頭蓮

又一體 雙調  
九十八字

雙頭蓮

陸游

風捲征塵堪歎處青驄正搖金轡客襟貯淚漫萬點如  
血憑誰持寄佇想豔態幽情壓江南佳麗春正媚怎忍  
長亭匆匆頓分連理目斷澹日平蕪煙濃樹遠微茫  
如薺悲歡夢裏奈倦客又是關河千里最苦唱徹驪歌  
遲留無計何限事待與丁寧行時已醉

雲仙引

雙調九

十八字



雲仙引

馮艾子

紫鳳臺高紅鸞鏡裏翻翻幾度秋  
馨黃金重綠雲輕丹砂鬢邊滴  
粟翠葉玲瓏煙翦成含笑出簾月  
香滿袖天霧縈身年時花下逢迎  
有遊女翩翩如五雲亂擲芳英爲  
簪斜朶事事關心長向金風一枝  
在手歟蕊悲歌雙黛顰繞臨溪樹  
對初弦月露下更深

玉蝴蝶

又一體雙調

九十八字

玉蝴蝶

李之儀

坐久燈花開盡暗驚風葉初報霜寒冉冉年華催暮顏  
色非丹攪回腸蛩吟似織留恨意月彩如攤慘無歡篆  
煙縈素空轉雕盤何難別來幾日信沉魚鳥情滿關  
山耳邊依約常記巧語繇蠻聚愁窠蜂房未密傾淚眼  
海水猶慳奄更闌漸移銀漢低泛簾顏

芟荷香

又一體雙調  
九十八字

芰荷香

本意

萬俟雅言

小瀟湘正天影倒碧波面容光水仙朝罷間列綠蓋紅  
幢和風細雨蕩十頃浥浥清香人在水精中央霜綃霧  
縠襟袂收涼款放輕舟闌紅裏有蜻蜓點水交頸鴛  
鴦翠陰密處曾覓相並青房晚霞散綺泛遠淨一葉鳴  
榔擬去儘促凋觴歌雲未斷月上飛梁

前調

又一體  
德遠罷金谿

送程

趙彥端

燕初歸正春陰暗澹客意淒迷玉觴無味晚花雨退凝

脂多情細柳對沈腰渾不勝衣垂別袖忍見離披江南  
陌上強半紅飛 樂事從今一夢縱錦囊空在金碗誰  
揮舞裙歌扇故應閒鎖幽閨練江詩就算樣舟寧不相  
思腸斷莫訴離杯青雲路穩白首心期

雙雙燕

又一體雙調九十八字調名始此因  
有九十六字詞故列爲又一體也

雙雙燕

本意

史達祖

過春社了度簾幕中間去年塵冷差池欲住試入舊巢

相並還相雕梁藻井又軟語商量不定飄然快拂花梢  
翠尾分開紅影芳徑芹泥雨潤愛貼地爭飛競誇輕  
俊紅樓歸晚看足柳昏花暝應是棲香正穩便忘了天  
涯芳信愁損翠黛雙蛾日日畫闌獨凭

前調

張琨

披蓬探隱到幽草溪頭碧陰山曲竹韻松姿媚却吟眸  
詩腹是處翠峰成簇更秋新雨涼如沐深林宛轉芳禽  
淺澗琤淙漱玉孤獨簡編娛目有紉佩芳蘭供餐茂

菊藤牀間愁夢入華胥仙國應是月明簾軸恰一枕清  
酣睡足小小花童低報瓦鼎烹茶剛熟

塞垣春

又一體雙調  
九十八字

塞垣春

歲旦

吳文英

漏瑟侵瓊筦潤鼓借烘爐煖藏鉤怯冷畫難臨曉鄰語  
鶯囀殢綠窓細呪浮梅殘換蜜炬花心短夢驚回林鴉  
起曲屏春事天遠迎路柳絲裙看爭拜東風盈灞橋

岼髻落寶釵寒恨花勝遲燕漸銜簾影轉還似新年過  
郵亭一相見南陌又燈火繡囊塵香淺

珍珠簾

珍或作真雙  
調九十八字

珍珠簾

隔牆聞簫鼓  
聲疑是按舞

吳文英

蜜沉爐煖餘煙裊竚立行人官道麟帶壓愁香聽舞簫  
雲渺恨縷情絲春絮遠悵夢隔銀屏難到寒峭有東風  
垂柳學得腰小還近綠水清明歎孤身如燕將花頻

遠細雨濕黃昏半醉歸懷抱蠹損歌紈人去久漫淚沾  
香蘭如笑書香念客枕幽單看春漸老

繡停鍼

雙調九

十八字

繡停鍼

陸游

歎半紀跨萬里秦吳頓覺衰謝回首鵷行英俊並游咫尺玉堂金馬氣凌嵩華負壯略縱橫王霸夢經洛浦梁園覺來淚流如瀉山林定去也却是恐說著少年時



話靜院焚香閒倚素屏今古總成虛假趁時婚嫁幸自  
有湖邊茅舍燕歸應笑客中又還過社

醉蓬萊

又一體雙調  
九十八字

醉蓬萊

楊慎

看金波遙映玉鏡高飛昆明池沼近天上中秋人間蓬  
島建節堂深籌邊樓迴正雨晴風展青鳥喉歌紅鸞掌  
舞仙音繚繞 白鶴南來錦書爲報雲動三山星飛五

老漢節唐符拜重華天表玉塵談詩金釵壓鬢向瓊林  
齊禱願歲歲長春年年此日恩波難老

絳都春

雙調九十八字此  
調平仄互用韻

絳都春

陳允平

秋千倦倚正海棠半坼不耐春寒殢雨弄晴飛梭庭院  
繡簾閒梅妝欲試芳情嬾翠顰愁入睂彎霧蟬香冷霜  
綃淚搵恨襲湘蘭悄悄池臺步晚任紅醺杏靨碧沁

苔痕燕子未來東風無語又黃昏琴心不度春雲遠斷腸難托啼鶉夜深猶倚垂楊二十四欄

玲瓏玉

雙調九十八字

玲瓏玉

半間堂賦春雪

姚雲文

開歲春遲早贏得一白瀟瀟風窓浙簌夢驚錦帳春嬌是處貂裘透暖任尊前回舞紅倦柔腰今朝虧陶家茶鼎寂寥料得東皇戲劇怕蛾兒街柳先鬪元宵宇宙

低迷倩誰分淺凸深凹休嗟空花無據便真个瓊雕玉  
琢總是虛飄且沉醉趁樓頭零片未消

春草碧

又一體雙調九十  
八字一名中管高

春草碧

本意

万俟雅言

又隨芳渚坐看翠連霽空愁徧征路東風裏誰望斷西  
塞恨迷南浦天涯地角意不盡消沉萬古曾是送別長  
亭下細綠暗煙雨何處亂紅鋪繡裯有醉眠蕩子拾

翠游女王孫遠柳外共殘照斷雲無語池塘夢生謝公  
後還能繼否獨上畫樓春山暝鴈飛去

尾犯

又一體雙調  
九十八字

尾犯

柳永

晴煙冪冪漸東郊芳草染成輕碧野塘風暖遊魚動觸  
冰漸微坼幾行斷鴈旋次第歸霜磧詠新詩手撚江梅  
故人贈我春色 似此光陰催逼念浮生不滿百雖照

人軒冕潤屋金珠於身何益一種勞心力圖利祿殆非  
長策除是恁點檢笙歌訪尋羅綺消得

月下笛

雙調九

十八字

月下笛

周邦彥

小雨收塵涼蟾瑩徹水光浮碧誰知怨抑靜倚官橋吹  
笛映宮牆風葉亂飛品高調側人未識想開元舊譜柯  
亭遺韻盡傳胸臆 闌干四遠聽折柳徘徊數聲終拍

寒燈陋館最感平陽孤客夜沉沉鴈啼正哀片雲盡捲  
清漏滴黯凝魂但覺龍吟萬壑天籟息

並蒂芙蓉

雙調九十八字宋政和時大晟樂府成蔡京薦晁  
端禮徽宗詔乘傳赴闕會禁中嘉蓮生端禮屬詞  
以進名並蒂芙  
蓉即此調也

並蒂芙蓉

晁端禮

太液波澄向鑑中照影芙蓉同蒂千柄綠荷深並丹臉  
爭媚天心眷臨聖日殿宇分明敞嘉瑞弄香艸蕊願君

王壽與南山齊比 池邊屢回翠輦擁羣仙醉賞憑闌  
凝思萼綠攬飛瓊共波上遊戲西風又看露下更結雙  
雙新蓮子鬪裝競美問鴛鴦向誰留意

逍遙樂

又一體雙調  
九十八字

逍遙樂

黃庭堅

春意漸歸芳草故園佳人千里信沉音杳雨潤煙光晚  
景澄明極目危欄斜照夢當年少對尊前上客鄒枚小



鬢燕趙共舞雪歌塵醉裏談笑 花色枝枝爭好鬢絲

年年漸老如今遇風景空瘦損向誰道東君幸賜與天  
幕翠遮紅遠休休醉鄉岐路華胥蓬島

黃河清慢

雙調九  
十八字

黃河清慢

應制

晁端禮

晴景初升風細細雲收天淡如洗望外鳳凰城闕蔥蔥  
佳氣朝罷香煙滿袖侍臣報天顏有喜夜來連得封章

奏大河徹底清泚 君王壽與天齊馨香動上穹頻降  
祥瑞大晟奏功六樂初調宮徵合殿薰風乍轉萬花覆  
千官盡醉內家傳詔重開宴未央宮裏

### 三部樂

雙調九十八字本商調  
曲名後遂以爲詞調也

### 三部樂

蘇軾

美人如月乍見掩暮雲更增妍絕算應無恨安用陰晴  
圓缺嬌甚空只成愁待下牀又嬾未語先咽數日不來

落盡一庭紅葉 今朝置酒強起問爲誰減動一分香  
雪何事散花却病維摩無疾却低眉慘然不答唱金縷  
一聲怨切堪折便折且惜取少年花發

前調

又一體  
梅雪

周邦彥

浮玉飛璫向邃館靜軒倍增清絕夜窓垂練何用交光  
明月聞道官閣多梅趁暗香未遠凍蕊初發倩誰折取  
持贈情人桃葉 回文近傳錦字道爲君瘦損是人都  
說祇如染紅著手膠梳黏髮轉思量鎮長墮睫都只爲

情深意切欲報信息無一句堪喻愁結

萬年歡

雙調九

十八字

萬年歡

梅

王安禮

雅出羣芳占春前信息臘後風光野岸郵亭繁似萬點  
輕霜清淺溪流倒影更黯澹月色籠香渾疑是姑射冰  
姿壽陽粉面初妝多情對景易感況淮天庾嶺迢遞  
相望愁聽龍吟悽絕畫角悲涼念昔因誰醉賞向此際

空惱危腸終須待結實恁時佳味堪嘗

八節長歡

雙調九

十八字

八節長歡

毛滂

澤國秋深繡檻天近坐久魂清溪山遶尊酒雲霧浥衣襟餘霞孤鴈送鄉愁寄寒閨一點離心杜老兩峰秀處短髮疎巾佳人爲折寒英羅袖濕真珠露冷鈿金幽豔爲誰妍東籬下却教醉倒淵明君但飲莫覩他落日

蕪城從教夜龍山清月端的便解留人

前調

送孫守公素

毛滂

名滿人間記黃金殿舊賜清閒才高鸚鵡賦風凜惠文  
冠濤波何處試蛟鰐到白頭猶守溪山且做龔黃樣度  
留與人看 桃溪柳曲陰圓離唱斷旌旗却捲春還襦  
袴寄餘溫雙石畔惟聞吏胆長寒詩翁去誰細遶屈曲  
闌干從今後南來幽夢應隨月渡雲端

二郎神

雙調九

十八字

卷六十五

二郎神

呂渭老

西池舊約燕語柳梢桃萼向紫陌秋千影下同綰雙雙  
鳳索過了鶯花休則問風共月一時閒却知誰去喚秋  
陰滿眼敗紅藥飄泊江湖載酒十年行樂甚近日傷  
高念遠不覺風前淚落橘熟橙黃堪一醉斷未負晚涼  
池閣只愁被撩撥春心煩惱怎生安著

碧芙蓉

雙調九

十八字

碧芙蓉

秋思

明媛  
葉小鸞

曲徑遶蒼苔。秋意平鋪。蕭散無數澹日移。堦幾度尋花  
悞。西風怨露草寒。蠶夜天淒。霜林煙樹。隔橋楊柳。翠減  
長條。猶自依依故。青山雲去杳。紅樓日又催暮。羅簾  
生寒漫引新桐句。池塘映芙蓉。一葉簾幙驚海棠疎雨。  
闌干凭徧。妝臺漸冷。黯黯無語空凝佇。

玉蝴蝶



又一體雙調

九十九字

玉蝴蝶

柳永

望處雨收雲斷，凭闌悄悄，目送秋光。晚景蕭疎，堪動宋玉悲涼。水風輕蘋花漸老，月露冷梧葉飄黃。遣情傷，故人何在，煙水茫茫。  
難忘文期酒令，幾辜風月，屢變星霜。海闊山遙，未知處是瀟湘。念雙燕難憑遠信，指暮天空識歸艤。黯相望，斷鴻聲裏，立盡斜陽。

前調

柳永

淡蕩素商行暮遠空雨歇平野煙收滿目江山堪助楚  
客冥搜素光動雲濤漲晚紫翠冷霜嶽橫秋景清幽渚  
蘭香謝汀樹紅愁良儔西風吹帽東籬攜酒共結歡  
遊淺酌低吟坐中俱是飲家流對殘暉登臨休歎賞令  
節醕酎方酬且相留眼前尤物舉殘忘憂

前調

柳永

是處小街斜巷爛遊花館連醉瑤卮選得芳容端麗冠  
絕吳姬絳脣輕笑歌盡雅蓮步穩舉措皆奇出屏幃倚

風情態約素腰肢 當時綺羅叢裏知名雖久識面何  
遲見了千花萬柳比並不如伊未同歡寸心暗許欲話  
別纖手重攜結前期美人才子合是相知

前調

柳永

誤入平康小巷畫簷深處朱箔微褰羅綺叢中偶認舊  
識嬋娟翠睂開嬌橫遠岫綠鬢彈濃染春煙憶情牽粉  
牆曾恁窺宋三年 遷延珊瑚筵上親持犀管旋疊香  
牋要索新詞殢人含笑立尊前按新聲珠喉漸穩想舊

意波臉增妍苦留連鳳衾鸞枕忍負良天

前調

柳永

漸覺芳郊明媚夜來膏雨一灑塵埃滿目淺桃深杏露  
淙煙栽銀塘靜魚鱗簾展煙岫翠龜甲屏開殷晴雷雲  
中鼓吹遊徧蓬萊徘徊隼旟前後三千珠履十二金  
釵雅俗熙熙下車成晏盡春臺好雍容東山妓女堪笑  
傲北海尊壘且追陪鳳池歸去那更重來

前調

和梁才甫  
遊園作

王安中

御水縠文風皺畫橋橫處沙路晴時曲塢藏春朱戶翠  
竹參差過牆花嬌無限思籠檻柳低不勝垂海棠枝爲  
東君愛未敢離披 遲遲日華融麗悠揚絲管掩丹旌  
旗喜入繁紅坐來開盡不須吹聽鶯遷還思上苑約鳳  
浴應展新池促歸期燕飛蝶舞特地熙熙

前調

晁補之

暗憶少年豪氣爛遊南國蓬島風光醉倚吳王宮殿不  
解悲涼舞猶慵小腰似柳歌尚怯嬌語如簧好林塘玳

筵留住彩舫攜將 清狂揚州一夢中山千日名利都  
忘細數從前眼中歡事盡成傷去船迷亂花流水遺珮  
悄寒草空江黯愁腸暮雲吟斷青鬢成霜

前調

晁冲之

目斷江南千里灞橋一望煙水微茫簾鎖重門人去暗  
惜流光雨輕輕梨花院落風澹澹楊柳池塘恨偏長珮  
沉湘浦雲散高唐 清狂重來一夢手搓梅子煮酒新  
嘗寂寞經春小橋依舊燕飛忙玉鉤闌凭多漸暖金縷

枕別久猶香最難忘看花南陌待月西廂

前調

和晁侍郎  
寄強伯

葛 郊

憶昨苔溪慣弄五亭月笛四水煙蓑何事毗檀門外馬  
駐長坡野花中亂紅杳靄小橋外疊翠嵯峨且顏酖但  
存長袖舞到婆娑云何立盟惠政春行五馬月皎千  
波贏得賓僚聽隔牆無事高歌帳煙寒瑞麟影隨簾霧  
細寶鴨香多試蹉跎一枰落日又送樵柯

前調

李 綱

萬古秣陵江國樣。舟煙岬千里。雲林故壘。高樓凝望遠。  
水遙岑。景陽鐘那聞。舊響玉樹。唱空有餘音。感春心。六  
朝遺事。蕭索難尋。森森甘泉法從弟兄。芝玉顧我情  
深契。闊相思。豈知今日共登臨。對尊俎。休辭痛飲。增志  
節。須且高吟。柳搖金。斷霞輕靄。殘照西沈。

前調

追別杜仲高

辛棄疾

古道行人來去。香滿紅樹。風雨殘花。望斷青山。高處都  
被雲遮。客重來。風流觴詠。春已去。光景桑麻。苦無多一



條垂柳兩箇啼鴉 人家疎疎翠竹陰陰綠樹淺淺寒  
沙醉兀籃輿夜來豪飲太狂些到如今都齊醒却只依  
舊無奈愁何試聽呵寒食近也且住爲佳

前調

杜仲高書來  
戒酒用其韻

辛棄疾

貴賤偶然渾似隨風簾幙籬落飛花空使兒曹馬上羞  
面頻遮向空江誰捐玉珮寄離恨應折疎麻暮雲多佳  
人何處數盡歸鴉 懷家生涯蠟屐功名破甌交友搏  
沙往日曾論淵明似勝臥龍些算來從人生行樂休便

說日飲亡何快斟呵裁詩未穩得酒良佳

前調

陸游

倦客平生行處墜鞭京洛解佩瀟湘此夕何年來賦宋  
玉高唐繡簾開香塵乍起蓮步穩銀燭分行暗端相燕  
羞鶯妒蝶擾蜂忙難忘芳尊頻勸峭寒新退玉漏初  
長幾許幽情只愁歌罷月侵廊欲歸時司空笑悶微近  
處丞相嗔狂斷人腸假饒相送上馬何妨

前調

高觀國

喚起一襟涼思未成晚雨先做秋陰楚客悲殘誰解此  
意登臨古臺荒斷霞斜照新夢黯微月疎砧總難禁盡  
將幽恨分付孤斟從今倦看青鏡既遲勛業可負煙  
林斷梗無憑歲華搖落又驚心想萼汀水雲愁凝閒蕙  
帳夜鶴悲吟信沉沉故園歸計休更侵尋

前調

史達祖

晚雨未摧宮樹可憐閒葉猶抱涼蟬短景歸秋吟思又  
接愁邊漏初長夢魂難禁人漸老風月俱寒想幽歡土

花庭甃蟲網闌干  
無端啼蛄攪夜恨隨團扇苦近秋  
蓮一曲當樓謝娘懸淚立風前故園晚強留詩酒新鴈  
遠不致寒暄隔蒼煙楚香羅袖誰伴嬋娟

前調

尹濟翁

幾許暮春清思未知芍藥先擬荼蘼老却東風春去不  
與人期似情多何曾荀倩便夢斷不爲崔徽且銜杯暖  
風襲襲淡日暉暉  
怎知懷芳心在樹花露泣竹葉煙  
啼滿目殘紅新愁成陣悵成圍畫簾空龍媒獨倚午陰

靜燕子雙飛任春歸尋人柳下夢過堂西

前調

張翥

屏裏吳山深窈宿醒未解午枕初酣膽怯窓虛驚起誤  
使人嫌是乳鴉聲聲綠樹是語燕兩兩珠簾轉愁添斜  
翹不整墮珥慵拈 厭厭行雲飛去瀟湘江上巫峽峰  
尖不盡銷凝海棠月上已窺簷蝶影寒羞熏翠被燈花  
瘦嬾疊香匳倚春纖暗啼妝淚半袖紅淹

前調

梁生園有蘭  
名玉蝴蝶

楊慎

蝴蝶不隨春去玉英瑤蕊猶自娟娟瀟灑水邊林下洗  
淨朱鉛嫦娥來梁園月下青女降楚畹霜前更山陰婆  
娑一老觴詠羣賢當年紫莖綠葉紉華擁珮故事陳  
篇何似今宵長歌石磴瀉紅泉醉歸去香攜滿袖似相  
逢解珮江仙散塵緣猗猗一曲瓊軫冰絃

前調

馮鼎位

烏鵲不傳消息三更時節因甚南飛試上高臺一望風  
景淒其響疎砧漸翻河鼓浮玉鏡斜轉參旗畫樓西雕

開碧瓦無限清輝  
差池年華荏苒難成彩夢聊說靈  
犀冷冷清霜等閒沾透謝郎衣綠楊枝曾來繫馬紅杜  
葉漫共留題且相攜翠蘿深處重倒金卮

前調

陳子龍

纔過十三春淺珠簾開也一段雲輕愁絕膩香溫玉弱  
不勝情淥波瀉月華清曉紅露滴花睡初醒理銀箏纖  
芽半掩風送流鶯  
娉婷小屏深處海棠微雨楊柳新  
晴自笑無端近來憔悴爲誰生假嬌憨戲揉芳草暗傷

感淚點春冰且消停蕭郎歸矣莫怨飄零

前調

明媛

葉紈紈

惆悵別來歲換清秋風月幾度悲傷極目蒹葭煙水一  
片微茫黯魂飛閒愁空斷還悵望孤悶偏長對池塘紅  
銷殘碧綠怨初黃淒涼蛩吟小院露寒金井月遶回  
廊詩酒蕭疎舊愁新恨最難忘掩重門臥殘清晝理瑤  
瑟燒盡爐香數流光秋燈閃淡無限徬徨

前調

葉紈紈



窓外曉鶯初轉柳黃條上聲過西樓好夢驚回深院簾  
捲鰕鉤霧濛濛杏花無語人寂寂芳草如羞恨綢繆謝  
娘慵舞斜倚篴簫熏篝新妝鏡裏東風無計吹破春  
愁粉褪香消長門花月半沉浮問年年惱人紅綠看日  
日伴我悵悵鎖眉頭黃昏疎雨勝似悲秋

前調

春愁

明媛

葉小鸞

夢破曉風庭院粉牆花影睡起慙慙幾日雙蛾愁損鏡  
裏春尖看盡他鶯梭柳線都織就霧錦雲縑最難忺催

花小雨依舊廉纖 堪憐韶光淑景芊芊芳草寂寂鉤  
簾燕子歸來花香都向綠琴添散閒愁流紅泛去消酒  
困濕翠飛黏怯春衫香烘裊裊袖護摻摻

前調

又一體 賦  
玉繡毬花

張炎

留得一團和氣此花開後春已規圓虛白窓深恍訝碧  
落星懸颺芳叢低翻雪羽凝素豔爭簇冰蟬向西園幾  
回錯認明月秋千 欲覓生香何處盈盈一水空對嬋  
娟待折歸來倩誰偷解玉連環試結取鴛鴦餘帶好移

傍鸚鵡珠簾晚階前落梅無數因甚啼鵲

三妹媚

雙調九十九字古樂府有三婦  
豔因以名調亦名三妹媚曲

三妹媚

史達祖

煙光搖縹瓦望晴簷多風柳花如灑錦瑟橫牀想淚痕  
塵影鳳絃長下倦出屏帷頻夢見王孫驕馬諱道相思  
偷理綃裯自驚腰衩惆悵南樓遙夜記翠箔張燈枕  
肩歌罷又入銅駝徧舊家門巷首詢聲價可惜東風將

恨與閒花俱謝記取崔徽模樣歸來暗寫

前調

吳文英

吹笙池上道爲王孫重來旋生芳草水石清寒過半春  
猶自燕沉鶯悄柳闌干晴蕩漾禁煙殘照往事依然  
爭忍重聽怨紅淒調曲榭方亭初埽印蘚迹雙鴛記  
穿林窈窕頓隔年華似夢回花上露晞平曉恨逐孤鴻客  
又去清明還到便鞚牆頭歸騎青梅已老

前調

過都城舊  
居有感

吳文英

湖山經醉慣，漬春衫啼痕酒痕無限。又客長安，歎斷吟  
零袂，汙塵誰浣。紫曲門荒，沿敗井風搖青蔓。對語東鄰  
猶是，曾巢謝堂雙燕。春夢人間須斷，但怪得當年夢  
緣能短。繡屋秦箏，傍海棠偏愛夜深開宴。舞歇歌沉，花  
未減，紅顏先變。佇久河橋欲去，斜陽淚滿。

前調

次周公謹  
送別韻

王沂孫

蘭缸花半綻，正西窓淒淒斷螢新。鴈別久，逢稀漫相看。  
華髮共成銷黯，總是飄零更休賦。梨花秋苑，何況如今

離思難禁俊才都減  
今夜山高水淺又月落帆空酒  
醒人遠彩袖烏絲解愁人惟有斷歌幽婉一信東風再  
約看紅腮青眼只恐扁舟西去蘋花弄晚

前調

櫻桃

王沂孫

紅纓懸翠葆漸金鈴枝深瑤塔花少萬顆臙脂贈舊情  
爭奈弄珠人老扇底清歌還記得樊姬嬌小幾度相思  
紅豆都消碧絲空裊芳意茶蘼開早正夜色瑛盤素  
蟾低照薦筍同時歎故園春事已無多了貯滿筠籠偏

暗觸天涯懷抱漫想青衣初見花陰夢好

前調

瓶中芙蓉杏

張炎

芙蓉城畔侶乍卸却單衣茜羅重護傍水開時細看來  
渾似阮郎前度記得小樓聽一夜江南春雨夢醒簫聲  
流水青蘋舊遊何許誰翦層芳深貯便洗盡長安半  
面塵土絕似桃根帶笑痕來伴柳枝嬌舞莫是孤邨試  
與問酒家何處曾醉梢頭雙果園林未暑

前調

送舒亦山遊越

張炎

蒼潭枯海樹正雪竇高寒水聲東去古意蕭閒問結廬  
人遠白雲誰侶賀監猶狂還散跡千巖風露抱瑟空遊  
都是淒涼此愁誰語莫趁江湖鷗鷺怕太乙爐荒暗  
銷鉛虎投老心情未歸來何事共成羈旅布韞青鞵休  
悞入桃源深處待得重逢却說巴山夜雨

前調

薛夢桂

薔薇花謝去更無情連夜送春風雨燕子呢喃似念人  
憔悴往來朱戶漲綠煙深早零落點池萍絮暗憶年華



羅帳分釵又驚春暮 芳草淒迷征路待去也還將畫  
輪留住縱使重來怕粉容銷膩却羞郎覩細數盟言猶  
在帳青樓何處綰盡垂楊爭似相思寸縷


前調

古衛舟子謂曾  
載錢塘宮人

詹正

一蓬兒別苦是誰家花天月地兒女紫曲藏嬌慣錦窠  
金翠玉璫鍾呂綺席傳宣笑聲裏龍樓三鼓歌扇題詩  
舞袖籠香幾曾塵土 因甚留春不住怎知道人間匆  
匆今古金屋銀屏被西風將換蓼汀蘋渚如此江山應

却悔西湖歌舞載取斷雲何處江南煙雨



御選歷代詩餘卷六十五